

Pattevogel-Song

Text und Musik: Wolfgang Jaegers

(Programmheft der Akademie für uns kölsche Sproch, 1. Halbjahr 2001, S. 30)

*Ich kann höppe, renne un springe
Wie 'ne Fesch em Wasser schwemme
Dat kann jeder vun uns
Denn dat es kein große Kuns*

*Wat ich en mingem Hätze hege
Es dä Wunsch: Och, künnt ich doch fleege
Wie en Mösch op der Stroß, wie 'ne Adler su groß
Minge Pattevogel rōf: Jetzt geht et loss:*

Refrain:

***Minge Pattevogel bovven an der Ling
Spillt met singe Fründe Wind un Sonnesching
Vör luuter Freud – schleiht hä der Tummeleut
Hä rupp un zupp – trick mich bei sich erop
Mer zwei fleegen fott üvver Land un Meer
Doch kein Angs: Mer kumme widder her***

*Der Pattevogel litt bei mir om Schrank
Wann hä lang do litt, weed hä krank
Denn hä hald et nit us en der Stuvv
Hä muss regelmäßig an de Luff*

*Han ich dann en Wies gefunge
Zappelt wie ne kleine Panz,
flüg erop de Bäum elans
Bovven huh fängk aan dä löstige Danz:*

Minge Pattevogel ...

*Mänchmol kütt et vör, dat hä entfäänt
Enem weiße Watte-Wölkche begähnt
Dann spört hä am Liev un am Köppche
Hagelkooncher un Rähnedröppcher*

*Ich hüre, wie hä bedröv för mich säht:
Treck mich flöck erav op de Ääd
Ich fleck' de Löcher zo un maach en drüg
Un freue mich , wie schön hä widder flüg.*

Minge Pattevogel ...